

**Landesbibliothek Oldenburg**

**Digitalisierung von Drucken**

**Primae Lineae Doctrinae De Protestatione Cambiali**

**Hufeland, Gottlieb**

**Jenae, 1799**

**VD18 12256064**

Vorwort

**urn:nbn:de:gbv:45:1-8845**

Incidit nuper in manus volumen actorum judicialium, in quo quaestio principalis, de qua inter litigantes disceptabatur, a vi et effectu *protestationis cambialis* pende-  
bat. Qua de re cum libros jurisperitorum evolverem, nulla occurrit ejus doctrinae expositio, quae satis probabilis esse videretur. Enimvero omnis de cambiorum juribus locus nondum est ea claritate et perspicuitate expositus, quae in deductionibus jurium maxime necessaria est, nec argumenta ex generalioribus juris principiis ducta ita inter se apta et nexa sunt, ut nihil ad persuasionem certam desideretur. Attamen praepriis meditationes doctorum de protestatione in cambiis maxime istis egere virtutibus in quavis disciplina desiderandis, facile apparebit omnibus, qui easdem accuratius perpendere velint.

Ut



Ut enim taceam libros, quibus omnem doctrinae de cambio ambitum complectere studuerunt auctores, inter antiquiores de protestationibus cambialibus tractatus maxime nota est *Ioh. Jac. UFFENBACHII* dissertatio, Altdorfii 1715. edita, et per *thesaurum juris cambialis* celeberrimi *BESSEKII*, in quem \*) relatam illam reperimus, magis adhuc divulgata. Sed leviter tantum ea tangit ipsam, quam inscriptio promittit, materiam, in omnia alia potius de cambio momenta multo liberius exspatiatur, ita ut nec fontes universae hujus disputationis recte indagentur, nec rivuli praecipui diligenter satis enumerentur. Fauustiori successu rem tractavit *Christ. Heinr. BREVNINGIUS* in dissertatione *de protestatione contra acceptationem conditionatam literarum cambialium* \*\*); sed tum thema dissertationis ipsum, tum omnis scriptiunculae ambitum tam augustis circumscripsit limitibus, ut pauca tantum inde in disciplinam nostram redundent emolumenta. Habes quoque brevem materiae nostrae expositionem in *Christ. DONNDORFII* dissertatione *de termino peremptorio solutionis et protestationis cambiorum* \*\*\*) (§. XXII. sqq.); sed in eadem principales quaestiones vix delibatae omnesque solummodo fere ex legibus et consuetudinibus Lipsiensibus solutae sunt. Occurrit porro tractatio quaedam hu-

\*) Tom I p. 553.

\*\*\*) Lips. 1764. — eandem quoque in sinus suos recepit *BESSEKII* thes. cit. T. I. pag. 594 sq.

\*\*\*\*) Lips. 1710. et in thes. *BESSEKIANO* T. I, pag. 754. sqq.

hujus doctrinae in *Christiani Gottlieb RICCI exercitationibus in universum jus cambiale* \*), (pissam quidem farraginem legum aliorumque locorum, quamvis non omnino inutilem, continens; claram tamen totius materiei deductionem et explicationem frustra ibi quaeres. \*\*)

Ipsa novissima, quae quidem mihi innotuit, hac de re disputatio a perill. GMELINIO proposita \*\*\*) circulo logico manifesto innititur; id quod ipsi auctori meritissimo, cujus pace hoc dictum sit, si nunc quidem eandem denuo perpendere velit, persuasum fore nullus dubito. Aperit sibi scilicet vir doctissimus disquisitionis aream definitione sequenti: *PROTEST ist in der Sprache des Wechselrechts die ausdrückliche und gesetzmässige Vorbehaltung solcher Rechte, deren Fortdauer von der Vollziehung dieser Handlung nach der Anordnung der Gesetze abhängt.* Videbit quilibet candidus rei indagator hac definitione omnem expositionem aperte ita constitui, ut a protestatione combiali illa deducantur jura, quae ab illa pendeant,

A 2

eadem-

\*) In exerc. X. sect. V.

\*\*) Saepe quoque in hisce exercitationibus loca aliorum auctorum ad verbum fere descripta, et saltem integris legum praescriptis amplificata, offenduntur; cf. e. g. loc. cit. §. 34. et HEINECCI elem. j. camb. cap. 4. §. 36. aliaque.

\*\*\*) *Grundzüge einer Theorie vom Wechselprotest im allgemeinen* in GMELIN'S and ELSAESSER'S *gemeinnütz, jurist. Beobachtungen und Rechtsfäll.* Band III, S. 215. ff.



eademque iterum ad haec jura fulcienda necessaria perhibeatur, quae absque eadem omni carerent fulcro. Nullam omnino exinde nasci theoriam in aperto est, omniaque eo redeunt, ut quae sint legum praecepta singula, memoriae tradas et teneas. Ad istam vero memoriae operam theoria et disciplina minime opus est, neque per omnem istum viri celeberrimi tractatum aliud edocemur, nisi hoc vel istud jus a protestatione ex legibus praescriptis suspensum non esse. Pugnant autem inter se legum particularium praecepta; sed ne haec quidem theoriae suae sic dictae, quam ibi propositam invenis, et regularum generalium exceptiones censendas esse putat auctor\*), cum scilicet eo casu illa vel ista jura a legibus protestationi subjecta non essent. Enimvero hac via si incedas, nihil omnino, quod disciplinae nomen mereatur, te perfecturum, luce clarius esse videtur. Apparet autem hoc ipso exemplo, quam maxime opus sit firmis et certis regulis de optima methodo theoriae, quae legibus particularibus introductionis et supplementi loco inservire possit, constituendae, circa quam alio loco jam plura monui.\*\*)

Nunquam enim legum particularium usus immediatus hic sufficiet; nec earundem contentu et convenientia juvaberis, id quod in ipsis praemissis exemplo novo claro et indubitato elucescit.

\*) Ibid. pag. 218.

\*\*\*) cf. *meine Einleitung in die Wissenschaft des deutschen Privatrechts.*  
Jena 1796.



Ne tamen censeas, in aliis libris, qui de cambiis generatim exponunt, te forte offensurum esse meliorem hujus rei evolutionem, consulas quaeso novissimam juris cambialis tractationem a. b. P<sup>Ü</sup>TTMANN<sup>O</sup> expositam et nuper denuo recognitam \*), vel etiam opus ceterum utilissimum et maxime commendandum de commerciis, quod celeberrimo B<sup>V</sup>SCH<sup>I</sup>O debemus \*\*); neque in his quidem libris expositionem perspicuam, adaequatam et sufficientem, neque casus omnes vel saltem maxime memorabiles, in quibus protestatio interponenda sit, complexos invenies, neque ipsius naturam ita ante oculos positam videbis, ut, quae sit ejusdem cum ceteris juris doctrinis cohaerentia, luculenter appareat. Superest quidem adhuc libellus de cambiis inter omnes recentiores primo fere loco nominandus, quippe S<sup>T</sup>IEVEKING<sup>II</sup> (negotiatoris Hamburgensis celebratissimi, praematura nuper eheu! morte patriae, literis, amicis et suis erepti) legis novae cambialis formula publice promulgata \*\*\*); in quo quidem, ut cetera praeclare, sic quoque protestationis indolem ingenuam expositam, omnesque de eadem

A 3

re-

\*) P<sup>Ü</sup>TTMANN's *Grundsätze des Wechselrechts*, Leipz. 1795. §. III. 199.

\*\*\*) *Theoretisch-praktische Darstellung der Handlung*. Hamburg. 1792. Tom. I. pag. 72.

\*\*\*\*) *Materialien zu einem vollständigen und systematischen Wechselrecht mit besondrer Rücksicht auf Hamburg*. Hamb. 1792.



regulas inter se concordantes videbis. Ipsa tamen ejusdem descriptio \*) notionem rei non omnino exhaustire videtur; carent praeterea omnia in hoc libello proposita pro ratione operis eo cum reliquis juris doctrinis nexu necessario, qui tum doctrinae perspicuitatem, tum persuasionis vim, tum applicationis facilitatem largiatur.

Quae cum ita sint et cum muneris novi suscipiendi ratio specimen quoddam juris a me postulet vel potius efflagitet, ad causam vero majoris ambitus exponendam non adesset vacuum satis tempus et liberum; periculum facere apud me constitui, num forte hac de re, quae a jurisperitis adhuc erat quasi relicta, accuratius scribere possim. In quo mihi propositum non est, ut materiem istam omnem penitus exhaustiam, cum ab eadem effectus tanti et tam late patentes pendeant, ut ad tantam rerum aliarum ex aliis nexarum seriem complectendam vix justus liber suffecturus esse videatur. Generatim igitur pro ratione consilii et occasione scribendi ideam tantum hujus rei informandam et extrema quasi lineamenta ducenda censui, quae si forte lectoribus non omnino displicuerint, ad uberiores hujus argumenti tractationem vel etiam ad totius loci de cambiis novam dilucidationem aliquando redeundi major dabitur opportunitas.

\*) *Materialien*. §. 125, 199.

S E C.

